



Angajoqqaatut akisussaannermut suliat

Sunaana angajoqqaatut akisussaasuuneq? Kina angajoqqaatut
akisussaasuua? Sumi qanorlu angajoqqaatut akisussaannermik
qinnuteqartoqarsinnaava?

| Kalaallit Nunaanni Eqqartuussiviit |

SUNAANA ANGAJOQQAATUT AKISUSSAASUUNEQ?

Meeqqamut 18-it ataallugit ukiulimmut angajoqqaatut oqartussaassusillip meeqqap isumassornissaa toqqissisimanissallu isumagisussaavai. Angajoqqaatut oqartussaassuseqaraanni meeqqap inuttut atugai pillugit aalajangiisartussaavoq, meeqqap soqutigisai pisariaqartitaalu aallaavigalugit.

Meeraq angajoqqaami ataatsimi najugaqarpat, angajoqqaq meeqqap najugaa akilersuutinik pinissaminut pininnaatitaavoq, akilersuutit ataani paasisaqarfiginerukkit.

KINA ANGAJOQQAATUT AKISUSSAASUUA

Meeqqap angajoqqaavi katisimagunik, angajoqqaat angajoqqaatut oqartussaassuseq ataatsimut pigissavaat.

Meeraq ulloq 1. juli 2016 sioqqullugu inunngorsimappat, anaanaasup angajoqqaatut oqartussaassuseq tamakkiisumik pigissavaa.

Meeraq aappariinnerup avataatigut ulloq 1. juli 2016 imaluunniit kingusinnerusukkut inunngorsimappat, angajoqqaat meeqqap inunngornissaa qaammatit qulit iluat sioqqullugu najugaqatigiissimagunik angajoqqaatut oqartussaassuseq ataatsimut pigaat. Angajoqqaat meeqqap inunngornera sioqqullugu qaammatit qulit iluanni najugaqatigiissimannikkunik, anaanaasup kisimi angajoqqaatut oqartussaaffik pigissavaa.

Angajoqqaatut oqartussaaffimmik allannguinissaq kissaatigigaanni, isumaqatigiissusiortoqarsinnaavoq imaluunniit eqqartuussisoqarfimmi suliamik suliakkiisoqarsinnaalluni.

QANOQ ANGAJOQQAATUT OQARTUSSAASSUTSIMUT TUNNGASUMIK SULIAMIK EQQARTUUSSISOQARFIMMI SULIAKKISOQARTARPA?

Angakoqqaq angajoqqaatut oqartussaassusermik piginneqataanngitsoq, kina angajoqqaatut oqartussaassusermik piginnittuussanersoq isumaqatigiissutigisinnaanngikkunikku eqqartuussivimmi suliamik suliakkiisinnaavoq.

Isumaqatigiikkussi, Naalagaaffiup sinniisua attaveqarfigissavarsi. Isumaqatigiinngikkussi, suliassanngortitsissummik immersuissaasi eqqartuussisoqarfimmullu tunniullugu.

Pingaaruteqarpoq qinnuteqaatup illuatungeriinnut attaveqarnissamut paasisutissanik najukkanillu eqqortunik immersorneqarsimanissaa.

Ilanngutissavatit:

- Meeqqap kuisinnermut allagartaa angajoqqaat tamarmik atiinik allassimasulik imaluunniit
- Ataataassarsiuinermi eqqartuussut imaluunniit
- Eqqartuussisut suliaannik allassimaffiup assilineqarnera ataataanermut akuersinermik imalik

Taamaangippat qinnuteqaat itingartitsissutigineqassaaq.

Angajoqqaat angajoqqaatut oqartussaassutsip ataatsimut pigilernissaanut nuutsinnissaanulluunniit isumaqatigiikkunik, Kalaallit Nunaanni Naalagaaffiup sinniisua attaveqarfigissavaat, oq. +299 32 10 01, nittartagaq:

<https://www.rigsombudsmanden.gl/>

Angajoqqaat isumaqatigiinngikkunik suliassanngortitsissummik immersuisoqassaaq eqqartuussisoqarfimmut imaluunniit quppersakkatsinni:

<https://domstol.dk/gl/groenland/immersugassat-ilitersuutillu/aaneqarsinnaasumik>.

NAJORTIGIITTARNISSAMUT TUNNGASUMIK SULIAMIK SUMI SULIAKKIISOQASSAVA?

Suliaq illoqarfimmi meeqqap najugaani eqqartuussisoqarfimmi suliakkiutigineqassaaq.

SULIAP INGERLARNGA

Eqqartuussisoqarfik suliassanngortitsissummik tigusaqaruni, taanna illuatungiusumut nassiunneqassaaq piareersaataasumik eqqartuussivimmi ataatsimiinnissamut aggersaassusikkamik.

Illuatungiusoq eqqartuussivimmi ataatsimiinnissaaq sioqqullugu allakkatigut akissuteqarsinnaavoq. Akissut eqqartuussisoqarfimmut eqqartuussivimmi ataatsimiinnissamut aggersaassuusumut nassiunneqassaaq.

Piareersaataasumik eqqartuussivimmi ataatsimiinneq eqqartuussisumik oqaloqatigiinninneruvoq, tassani eqqartuussisoq illuatungeriinnut inatsisinik

suliallu ingerlarnganik ilitseruussisinnaalluni. Ataatsimiinnermi eqqartuussisup nalilissavaa, paasissutissat suut suliamut piniarneqassanersut, ataani paasissutissanut taakkununga piniarneqarsinnaasunut tunngasoq takuuk. Piareersaataasumik eqqartuussivimmi ataatsimiinnermi illuatungeriit isumaqatigiilerpata, suliaq tassani naammassisinnaavoq.

Illuatungeriit isumaqatigiilinngippata, suliaq illuatungeriit paasissutissanik suliamut atorusetaminnik piniarnissaannut kinguartinneqassaaq. Piareersaataasumik ataatsimiinnermi isumaqatigiissutigineqassaaq, qaqugu suliami pingaarnertut isumaqatigiinniartoqassanersoq. Pingaarnertut isumaqatigiinniarneq ataatsimiinneq suliap eqqartuussivimmi aalajangiivigineqannginnerani kingulliuvoq.

Illuatungeriit eqqartuussissuserisoqarpata eqqartuussissuserisut eqqartuussivimmi ataatsimiinnerni tamani peqataassapput.

SULIAMUT PAASISSUTISSAT

Eqqartuussisoqarfik eqqartuussivimmi piareersaataasumik ataatsimiinnermi aalajangiisnaavoq, paasissutissanik amerlanerusunik piniartoqassasoq:

- Kommuniq meeqqanut ilaqutariinnullu ingerlatsivianit oqaaseqaatit il.il.
- Ulluunerani paaqqinnittarfinnit atuarfinniillu oqaaseqaatit.
- Meeqqap psykologimik meeqqanik oqaloqatiginninnermik sungiussisimasumik oqaloqateqarnissaa. Meeqqat naliginnaasumik arfineq marluk missaanni ukioqalereeraangamik oqaloqatigineqartarput.
- Suliani misissuinissanik amerlanerusunik pisariaqartitsiffiusuni, eqqartuussisoqarfik meeqqanik sullissinnermik paasisimasalimmit misissuisoqarnissaanik piumasaqarsinnaavoq. Suliat taamaattut suliarineri sivilunerulaamik naammassiniassapput, psykologip sukumiisumik meeqqap qanoq inneranik misissuinissaq suliarissammagu.

AKILERSUUTIT

Angajoqqaat meeqqamut aningaasartuutit avissavaat. Meeraq piffissap annersaani angajoqqaamini ataatsimiinneruppat, angajoqqaap aappaa meeqqamut aningaasartuutinik akileeqataassaaq.

Angajoqqaatut oqartussaassuseqarneq akilersuutinut pingaaruteqanngilaq.

PIFFISSAQ SULIAP SULIARINEQARNERANUT ATORNEQARTOQ

Eqqartuussisoqarfiup anguniagaraa suliap eqqartuussisoqarfimmi tiguneqarneraniit qaammatit arfinillit qaangiutsinnagit naammassinissaa.

NAMMINEQ ANINGAASARTUUTIGINNGISAMIK EQQARTUUSSISULERSUUSSINEQ

Eqqartuussissuserisumut akissaqanngikkaanni nammineq aningaasartuutiginnngisamik eqqartuussisulersuussineq qinnutigineqarsinnaavoq.

Nammineq aningaasartuutiginnngisamik eqqartuussisulersuussineq pigaanni, eqqartuussissuserisumut aningaasartuutit naalagaaffimmit akilerneqartarput. Nammineq aningaasartuutiginnngisamik eqqartuussisulersuussinermik pillip nammineq eqqartuussissuserisoq suliame ikiortigerusutani attaveqarfigissavaa. Eqqartuussiviit quppersagaani eqqartuussissuserisumik nassaarit:
<https://domstol.dk/gl/groenland/eqqartuussisoqarfiit-atukkit/inatsisitigut-siunnersorneqarnej-gl-beneficierede-advokater/> -imi

Nammineq aningaasartuutiginnngisamik eqqartuussisulersuussineq Kalaallit Nunaanni naalagaaffiup sinniisaanut qinnutigineqarsinnaavoq, oq. +299 32 10 01, quppersagaq: <https://www.rigsombudsmanden.gl/>

ATTAVEQARFISSAQ

Nalornissuteqaruit imaluunniit ilitsersuunneqarnissamik pisariaqartitsiguit eqqartuussisoqarfimmut saaffiginninnissanut imaluunniit 36 38 00-imut sianernissannut tikilluaqqusaavutit.